

EDARIAREN EGITADAK



Ogei bat kopa kaña
egitean edan
naiz da erdi mutua
berez bera izan
doinekan *Peru isill*
gure beko dendan
barrutik apurren bat
zelan berotu zan
denda zaiñari asi
jakon barriketan:
—Jošé, ¿bakizu zeinbat
gradu nik neukazan
joan dan gerretean
naiz tonto bat izan?
euskeraz ez dakidaz
izenak eurenak
baña esango dodaz
erderaz dienak,

kabo, sarjento, alferez,
iru urtietan
orra iru gradura
zelan eldu nintzan.

Denda zaiñak zurturik
deutsa erantzuten
—gureko kañau bere
ez da laura eltzen.

—Jošé badirudi, bai,
dala kristiñaua
¿osterantzean izan
balitza morua
ainbat kopak ez eusten
galduko burua?

—Burua, anak eta
baita bere miña
ta echera bearko
zenduan mutilla.

FELIPE ARRESE TA BEITIA.

